

ՀՀ պաշտպանության նախարարությունը, ի դեմս ՀՀ պաշտպանության նախարարի տեղակալ՝ Կ. Բրուտյանի, ով գործում է նախարարության կանոնադրության հիման վրա, այսուհետ «Գնորդ», մի կողմից, և «Ինտերմեյ Գրուպ» ՍՊԸ-ն, ի դեմս տնօրեն Ա. Դիլանյանի, ով գործում է ընկերության կանոնադրության հիման վրա, այսուհետ «Վաճառող» մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1. Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման ժամանակացույցով նախատեսված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՐԱՆՈՒԹՅՈՒՆՆԵՐԸ**

**2.1 Գնորդն իրավունք ունի՝**

2.1.1 Ապրանքը պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 10 օրից ավելի:

2.1.2 Եթե հանձնվել է անպատշաճ որակի՝ պայմանագրով նախատեսված տեխնիկական բնութագրին չհամապատասխանող ապրանք՝

ա) պահանջել հատուցելու ապրանքի անպատշաճ որակի լինելու պատճառով իր կատարած ծախսերը.

բ) չընդունել ապրանքն՝ իր հայեցողությամբ սահմանելով անպատշաճ որակի ապրանքը պայմանագրին համապատասխանող որակի ապրանքով անհատույց փոխարինման ողջամիտ ժամկետ և պահանջել Վաճառողից վճարելու պայմանագրի 6.3 կետով նախատեսված տուգանքը.

գ) հրաժարվել պայմանագիրը կատարելուց և պահանջել վերադարձնելու ապրանքի համար վճարված գումարը:

2.1.3 Եթե հանձնվել է պայմանագրով որոշվածից պակաս քանակի ապրանք, ապա՝

ա) պահանջել լրացնելու ապրանքի պակաս հանձնված քանակը,

բ) հրաժարվել հանձնված ապրանքից և դրա համար վճարելուց, իսկ եթե ապրանքի համար վճարվել է, ապա պահանջել վերադարձնելու վճարված գումարը և վճարելու պայմանագրի 6.2 կետով նախատեսված տույժը:

2.1.4 Եթե հանձնվել է տեսակի պայմանի խախտմամբ ապրանք, իր ընտրությամբ՝

ա) ընդունել տեսակի վերաբերյալ պայմանին համապատասխանող ապրանքը և հրաժարվել մնացած ապրանքներից.

բ) հրաժարվել հանձնված բոլոր ապրանքներից և պահանջել վճարելու պայմանագրի 6.2 կետով նախատեսված տույժը.

գ) պահանջել տեսակի վերաբերյալ պայմանին չհամապատասխանող ապրանքի անհատույց փոխարինում պայմանագրով նախատեսված տեսակին համապատասխան ապրանքով:

2.1.5 Վաճառողի կողմից մատակարարման ժամկետների խախտման դեպքում իր հայեցողությամբ սահմանել ապրանքի մատակարարման նոր ժամկետ և պահանջել Վաճառողից վճարելու պայմանագրի 6.2 կետով նախատեսված տույժը:

2.1.6 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով պայմանագրի լուծումից հետո ողջամիտ ժամկետում այլ անձից ավելի բարձր, սակայն ողջամիտ գնով գնել է ապրանք՝ պայմանագրով նախատեսվածի փոխարեն՝ պայմանագրով սահմանված և դրա փոխարեն կնքված գործարքի գների միջև տարբերության չափով, ինչպես նաև ապրանքն այլ անձից ձեռք բերելու համար իր կատարած բոլոր անհրաժեշտ և ողջամիտ ծախսերը:

2.1.7 Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը.

2.1.7.1 Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում.

բ) ապրանքի մատակարարման ժամկետները խախտվել են 10 օրից ավելի.

2.1.8 Ձևնել ապրանքը և հայտնաբերված թերությունների մասին անհապաղ տեղեկացնել Վաճառողին:

2.1.9 Ապրանքների ընդունման գործընթացն իրականացնել ՀՀ պաշտպանության նախարարի 22.02.2019թ. N 177 հրամանի պահանջների համաձայն (հրամանը կրապարակված է <http://mil.am> կայքի «Գրադարան» բաժնի «ՀՀ ՊԱՇՏՊԱՆՈՒԹՅԱՆ ՆԱԽԱՐԱՐԻ ՀՐԱՄԱՆՆԵՐ» ենթաբաժնում):

**2.2 Գնորդը պարտավոր է՝**

2.2.1 Կատարել պայմանագրին համապատասխան մատակարարված ապրանքի ընդունումն ապահովող բոլոր անհրաժեշտ գործողությունները:

2.2.2 Վաճառողի հանձնած ապրանքից պայմանագրին համապատասխան հրաժարվելու դեպքում, ապահովել այդ ապրանքի պատասխանատու պահպանությունը և դրա մասին անհապաղ տեղեկացնել Վաճառողին:

2.2.3 Պայմանագրով նախատեսված կարգով և ժամկետներում մատակարարված ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 6.5 կետով նախատեսված տույժը:

2.2.4 Ապրանքի քանակի, տեսականու, որակի մասին պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ պայմանագրի համապատասխան պայմանի խախտումը պետք է հայտնաբերված լիներ՝ էլնելով ապրանքի բնույթից և նշանակությունից:

2.2.5 Պայմանագրի 2.3.3 կետի համաձայն պայմանագրի լուծումից հետո Վաճառողին հատուցել վերջինիս պատճառված և սահմանված կարգով հիմնավորված վնասները:

### **2.3 Վաճառողն իրավունք ունի՝**

2.3.1 Գնորդից պահանջել ընդունելու պայմանագրով նախատեսված կարգով, ծավալներով, ժամկետներում և հասցեով մատակարարված ապրանքը:

2.3.2 Գնորդից պահանջել վճարելու պայմանագրով նախատեսված կարգով, ծավալներով, ժամկետներում և հասցեով մատակարարված և Գնորդի կողմից ընդունված ապրանքի համար իրեն վճարման ենթակա գումարները:

2.3.3 Միակողմանի լուծել պայմանագիրը (լրիվ կամ մասնակի), եթե Գնորդն էականորեն խախտել է պայմանագիրը:

2.3.3.1 Գնորդի կողմից պայմանագիրը խախտելն էական է համարվում, եթե բազմիցս խախտվել են ապրանքի համար վճարելու ժամկետները:

2.3.4 Գնորդի համաձայնությամբ վաղաժամկետ մատակարարել ապրանքը:

### **2.4 Վաճառողը պարտավոր է՝**

2.4.1 Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

2.4.2 Ապահովել ապրանքի մատակարարումը պայմանագրի 2.1.2 կետի բ) ենթակետին և (կամ) 2.1.5 կետին համապատասխան՝ Գնորդի կողմից սահմանված ժամկետներում:

2.4.3 Գնորդին հանձնել երրորդ անձանց իրավունքներից ազատ ապրանք:

2.4.4 Գնորդին հանձնել պայմանագրով նախատեսված որակի և քանակի ապրանք՝ պայմանագրով նախատեսված ժամկետներում և հասցեով, իսկ Գնորդի պահանջով տրամադրել ապրանքի որակը հավաստող՝ ՀՀ օրենսդրությամբ սահմանված փաստաթղթեր:

2.4.5 Թերի մատակարարում թույլ տալու դեպքում, պայմանագրով նախատեսված կարգով, լրացնել թերի մատակարարվածը:

2.4.6 Հետ տանել Գնորդի կողմից պայմանագրի 2.2.2 կետին համապատասխան՝ պատասխանատու պահպանության ընդունված ապրանքը կամ ողջամիտ ժամկետում տնօրինել այն, ինչպես նաև հատուցել ապրանքը պատասխանատու պահպանության ընդունելու, այն իրացնելու կամ Վաճառողին վերադարձնելու հետ կապված անհրաժեշտ ծախսերը:

2.4.7 Պայմանագրով նախատեսված դեպքերում վճարել պայմանագրի 6.2 և 6.3 կետերով նախատեսված տույժը և տուգանքը:

2.4.8 Գնորդին հանձնել ապրանքի պատկանելիքները և համապատասխան փաստաթղթերը:

2.4.9 Պայմանագրի 2.1.7 կետի համաձայն պայմանագրի լուծումից հետո Գնորդին հատուցել վերջինիս պատճառված և սահմանված կարգով հիմնավորված վնասները:

2.4.10 Որակավորման և պայմանագրի ապահովում ներկայացրած անձը պարտավոր է ապահովումների գործողության ընթացքում լուծարման կամ սևանկացման գործընթաց սկսելու դեպքում դրա մասին նախապես գրավոր տեղեկացնել Գնորդին:

## **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ**

3.1 Պայմանագրի գինը կազմում է **26,903,220 (քսանվեց միլիոն ինը հարյուր երեք հազար երկու հարյուր քսան) ՀՀ դրամ, բացառությամբ պայմանագրի Հավելված 1-ով սահմանված 21-րդ անվանատողով նախատեսված ապրանքի, որի մասով Վաճառողը վճարում է ԱԱՀ:**

**ներառյալ ԱԱՀ-ն:** Պայմանագրի գինը ներառում է պայմանագրի կատարման ապահովելու նպատակով Վաճառողի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարզավճարները և ակնկալվող շահույթը:

Ապրանքի մատակարարման գինը կայուն է և Վաճառողն իրավունք չունի պահանջել ավելացնելու, իսկ Գնորդը նվազեցնելու այդ գինը:

Պայմանագրի կատարման փուլում առաջացող ՀՀ պետական բյուջե վճարման ենթակա հարկերը (ակցիզային հարկ, բնապահպանական հարկ և այլն) հաշվանցվում և ՀՀ պետական բյուջե են վճարվում Վաճառողին վճարման ենթակա գումարից:

3.3 Գնորդն իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և եռամսյակի: Վճարումն իրականացվում է հանձնման-ընդունման արձանագրությունը ստորագրելուց հետո **15 բանկային օրվա ընթացքում, բայց ոչ ուշ, քան 24.12.2021թ.:**

#### 4. ԱՊՐԱՆՔԻ ՈՐԱԿՐ ԵՎ ԵՐԱՇՄԻՔԸ

4.1 Վաճառողը երաշխավորում է մատակարարված ապրանքի որակի համապատասխանությունը պետական ստանդարտի պահանջներին:

#### 5. ԱՊՐԱՆՔԻ ՉԱՆՁՆՈՒՄԸ ԵՎ ԸՆԴՈՒՆՄԱՆ

5.1 Մատակարարված ապրանքն ընդունվում է Գնորդի և Վաճառողի միջև հանձնման-ընդունման արձանագրության ստորագրմամբ: Ապրանքը Գնորդին հանձնելու փաստը ֆիքսվում է Գնորդի և Վաճառողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ապրանքի մատակարարման համար նախատեսված օրը ներառյալ Վաճառողը Գնորդին է տրամադրում իր կողմից ստորագրված՝ ապրանքը Գնորդին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «Էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Վաճառողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

5.2 Եթե մատակարարված ապրանքը համապատասխանում է պայմանագրի պայմաններին, Գնորդը պայմանագրի 5.1 կետում նշված փաստաթղթերը ստանալու օրվան հաջորդող աշխատանքային օրվանից հաշված հինգ աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

5.3 Եթե մատակարարված ապրանքը կամ դրա մի մասը չի համապատասխանում պայմանագրի պայմաններին, ապա Գնորդը չի ստորագրում հանձնման-ընդունման արձանագրությունը և պայմանագրի 5.2 կետում նշված ժամկետում էլեկտրոնային գնումների armeps համակարգի միջոցով Վաճառողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Մույն կետի կիրառման դեպքում Գնորդը ձեռնարկում է նման իրավիճակի համար պայմանագրով նախատեսված միջոցները և Վաճառողի նկատմամբ կիրառում է պայմանագրով նախատեսված պատասխանատվության միջոցներ:

5.4 Եթե պայմանագրի 5.2 կետով սահմանված ժամկետում Գնորդը չի ընդունում մատակարարված ապրանքը կամ չի մերժում դրա ընդունումը, ապա մատակարարված ապրանքը համարվում է ընդունված և պայմանագրի 5.2 կետով սահմանված վերջնաժամկետին հաջորդող աշխատանքային օրը Գնորդը էլեկտրոնային գնումների համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը:

#### 6. ԿՈՐՄԵՐԻ ՊՍՏԱՄԵԱՆԱՏՎՈՒԹՅՈՒՆԸ

6.1 Վաճառողը պատասխանատվություն է կրում հանձնած ապրանքի որակի և պայմանագրով նախատեսված մատակարարման ժամկետների պահպանման համար:

6.2 Վաճառողի կողմից պայմանագրով նախատեսված ապրանքի մատակարարման ժամկետների խախտման դեպքում Վաճառողից յուրաքանչյուր ուշացված աշխատանքային օրվա համար գանձվում է տույժ՝ մատակարարման ենթակա, սակայն չմատակարարված ապրանքի գնի 0,05 (զրո ամբողջ հինգ հարյուրերորորդական) տոկոսի չափով:

6.3 Պայմանագրի 1.1 կետում նշված տեխնիկական բնութագրին չհամապատասխանող ապրանք մատակարարելու յուրաքանչյուր դեպքում Վաճառողից գանձվում է տուգանք՝ պայմանագրի գնի 0,5 (զրո ամբողջ հինգ տասնորդական) տոկոսի չափով:<sup>21</sup> Ընդ որում տուգանքը հաշվարկվում է նաև ապրանքի մատակարարումը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

6.4 Պայմանագրի 6.2 և 6.3 կետերով նախատեսված տույժը և տուգանքը հաշվարկվում և հաշվանցվում են Վաճառողին վճարման ենթակա գումարների հետ:

6.5 Գնորդի կողմից պայմանագրի 3.3 կետով նախատեսված ժամկետի խախտման համար Գնորդի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

#### 7. ԱՆՆԱՐԹԱՆԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի՝ պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ պայմանագիրը կնքելու նպատակով կազմակերպված գնման գործընթացում, մինչև պայմանագրի կնքումը, Վաճառողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Գնորդը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Գնորդը չի կրում պայմանագրի միակողմանի լուծման հետևանքով Վաճառողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Գնորդի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ապրանքի ծավալների կամ ձևերի փոփոխության, որոնք պարանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.8 Ապրանքի մատակարարման ժամկետը կարող է երկարաձգվել մինչև պայմանագրով այդ ժամկետը լրանալը՝ Վաճառողի առաջարկության առկայության դեպքում, պայմանով, որ Գնորդի մոտ չի վերացել ապրանքի օգտագործման պահանջը, իսկ Վաճառողի առաջարկությունը ներկայացվել է ոչ ուշ, քան պայմանագրով ի սկզբանե մատակարարման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ապրանքի մատակարարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

8.9 Պայմանագրի պատշաճ կատարման պայմաններում կողմերի (Վաճառող կամ Գնորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Վաճառողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:

8.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցումը:

8.11 Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուց հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Գնորդը այն ուղարկվում է նաև Վաճառողի էլեկտրոնային փոստին:

8.12 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

8.13 Պայմանագիրը կազմված է 10 էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Պայմանագրի N 1, N 2, N 3 և N 3.1 հավելվածները, համարվում են պայմանագրի անբաժանելի մասը:


8.14 Պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

8.16 Սույն պայմանագրի շրջանակներում պատասխանատու ստորաբաժանում է հանդիսանում ՀՀ ՋՌԻ ռազմաբժշկական վարչությունը:

9. Կողմերի հասցեները, բանկային վավերապայմանները և ստորագրությունները


ԳՆՈՐԴ

ՀՀ պաշտպանության նախարարություն  
ք. Երևան Բազմաբնակի 5  
ՀՀ ՖՆ գործառնական վարչություն  
Հ/Հ 900011144129  
ՀՎՀՀ 02522157  
ՀՀ պաշտպանության նախարարի տեղակալ



ՎԱՃԱՌՈՂ

«Ինտերմեդ Գրուպ» ՍՊԸ  
Ք. Երևան, Մարգարյան 37, տարածք 131  
«Կոնվերս բանկ» ՓԲԸ  
Հ/Հ 1930048363450100  
ՀՎՀՀ 02621803  
տնօրեն



ՏԵՆՈՒԿԱԿԱՆ ԲԱՌԻՔԱԳԻՐ

| Չ/հ | Ապրանքի անվանում  | Տեխնիկական բնութագիր  | Սարքերային նշանը     | Սարքերային անվանումը                  |
|-----|---|---|----------------------|---------------------------------------|
| 21. | Փաթեթանյութ 150mm x70   | Փաթեթանյութի հավաքածու պլավմային «Ստերրադ 100S» համակարգում մանրէազերծման համար, Պարունակում է Սանրեազերծման ներկցված զգայորոշիչ, որը մանրէազերծող կուրթի հետ փոխազդելիս փոխում է գույնը ազդեցիկ աչքով տեսանելի արտահայտիչ գունային փոփոխությամբ, պահանջվող չափեր՝ 150մմ x 70մմ: Մանրէազերծված պահպանման ժամկետը ոչ պակաս 12ամիս: Ստերիլ գործարանային փաթեթավորումով  | ASP                  | Advanced Sterilization Products (ASP) |
| 24. | Փոխվող ծայրալիրներ, դանակով, 6 շարք, 3D ֆորմատ                      | Փոփոխվող ծայրալիր միանվագ օգտագործման 55 մմ, նախատեսված NTLCS5 գծային կարող կտրող սարքավորման համար, ունի փակված սերմնակի բարձրության կարգավորման հնարավորություն: Ծայրալիրը պարունակում է 88 սերմնակ, որոնք դասավորված են երկու եռաշարք շարքերով շախմատային կարգով ել ունեն հանվող պաշտպանիչ վահանակ: Լարի տրամաչափը 0,2 մմ, պսակի լայնությունը 3 մմ, բաց սերմնակի ոտքի բարձրությունը 4,3 մմ, փակված սերմնակի բարձրությունը ենթակա է կարգավորման 1,5 մմ, 1,8 մմ և 2,0 մմ: Սերմնակների կուրթը ՄՈՏ համատեղելի տիտանային համաձուլվածք է, որը Պարունակում է Վանադիում և ալյումինիում T3A12.5V /տիտան 94,5% ալյումինիում 3% վանադիում 2,5%/ որը նվազեցնում է պլաստիկությունը ել կանխում սերմնակների հետագա ուղղորդել: Ծայրալիրը ապահովում սերմնակային կարի առաջացում որի երկարությունը 61 մմ, կտրվածքի երկարությունը 58 մմ: Մեխանիկական կարի երկարությունը գերազանցում է կտրվածքի երկարությունը 1,5 սերմնակ (4 մմ): Սերմնակները փակվում են եռաչափ սկզբունքով: N12 փաթեթավորմամբ ստուփ:  | ETHICON ENDO-SURGERY | Johnson & Johnson                     |
| 25. | Փոխվող ծայրալիրներ, դանակով, 6 շարք, 3D ֆորմատ                      | Փոփոխվող ծայրալիր միանվագ օգտագործման 75 մմ նախատեսված NTLCS75 գծային կարող կտրող սարքավորման համար, ունի փակված սերմնակի բարձրության կարգավորման հնարավորություն: Ծայրալիրը պարունակում է 118 սերմնակ, որոնք դասավորված են երկու եռաշարք շարքերով շախմատային կարգով ել ունեն հանվող պաշտպանիչ վահանակ: Լարի տրամաչափը 0,23 մմ, պսակի լայնությունը 3 մմ, բաց սերմնակի ոտքի բարձրությունը 4,3 մմ, փակված սերմնակի բարձրությունը ենթակա է կարգավորման, ոչ պակաս քան 1,5 մմ, 1,8 մմ, 2,0 մմ: Սերմնակների կուրթը դա ՄՈՏ համատեղելի տիտանային համաձուլվածք է, որը պարունակում է վանադիում և ալյումինիում T3A12.5V /տիտան 94,5% ալյումինիում 3% վանադիում 2,5%/, որը նվազեցնում է պլաստիկությունը ել կանխում սերմնակների հետագա ուղղորդել: Ծայրալիրը ապահովում սերմնակային կարի առաջացում, որի երկարությունը 81 մմ, կտրվածքի երկարությունը 78 մմ: Մեխանիկական կարի երկարությունը գերազանցում է կտրվածքի երկարությունը 1,5 սերմնակ (4 մմ): Ծայրը գտնվում է երկու եռաչափ սերմնակների 2արքերի միջեկ, սալը բաղկացած է բժշկական պողպատից 400- սերմնակի ել գտնվում է ծայրալիրի մեջ: Ծայրալիրի մեջ գտնվում է կարել/կարելու մեխանիզմի արգելափակման համակարգ, որը գործում է, երբ որ ծայրալիրը օգտագործված է լինում: Սերմնակները փակվում են եռաչափ սկզբունքով: Նախատեսված է միանվագ օգտագործման համար, ենթակա չէ կրկնակի օգտագործման: Մատակարարվում է լիցքավորված, ստերիլ ունի հանվող կանխարգելիչ վահանակ որը գտնվում է աշխատանքային մակերեսի վրա: N12 փաթեթավորմամբ ստուփ: | ETHICON ENDO-SURGERY | Johnson & Johnson                     |
| 28. | Փոփոխվող թաթերիչներ սերմնակներով (1,8 մմ) «Էշելոն» 45 գործիքի համար | Փոփոխվող թաթերիչներ Էշելոն ֆիրմայի «Էշելոն» 45 գծային կարող գործիքի համար, միանվագ, հաստացած հյուսվածքներ կարելու համար: Սերմնակային կարի փակ սերմնակի բարձրությունը 1,8 մմ: Երկու եռաշար սերմնակների միջև առկա է աղու սալի համար: Ներկառուցված մեխանիզմ, որը արգելափակում է սալը օգտագործված թաթերից տեղադրելու դեպքում: Քարթիչը պարունակում է 70 սերմնակ տիտանային համաձուլվածքից, որոնք տեղակայված են երկու եռաշարքով շախմատային: Բաց սերմնակի ոտքի բարձրությունը 3,8 մմ, սերմնակային կարի երկարությունը մոտավորապես 45 մմ: Մեխանիկական կարի երկարությունը գերազանցում է կտրվածքի երկարությունը առնվազն 1,5 սերմնակ կախված հյուսվածքի հատությունից: Մատակարարվում է լիցքավորված և ստերիլ: Աշխատանքային մակերեսի վրա առկա է պաշտպանիչ վահանակ, որը կանխում է սերմնակների տեղաշարժը տեղամոխման կամ տեղադրման   | ETHICON ENDO-SURGERY | Johnson & Johnson                     |

|            |  |  |                              |                              |
|------------|--|--|------------------------------|------------------------------|
|            | <p>ժամանակ: Մեղմանների հումքը ՄՈՏ համատեղելի տիրաանային համաձայնվածք T13A12.5V /տիտան 94.5% այրումիներում 3% վանադիում 2.5%, որը ապահովում է պլաստիկության նվազում և կանխում է սերմանների հակադարձ բացումը: Ունի գունային մակնշում, մատակարարվում են ստերիլ, նախատեսված են միանվագ օգտագործման համար: N12 ստերիլ գործարանային փաթեթավորումով</p> | <p>ETHICON ENDO-SURGERY</p>  | <p>Johnson &amp; Johnson</p> |                              |
| <p>29.</p> | <p>Փոփոխվող քարթիջներ սերմաններով (1,5 մմ) «Էշելոն» 45 գործիքի համար</p>   | <p>Փոփոխվող քարթիջներ Էշելոն 45 գծային կարող կտրող գործիքի համար, միանվագ, նորմալ հաստության հյուսվածքներ կարելու համար: Մեղմանային կարի փակ սերմանի բարձրությունը 1,5 մմ: Երկու եռաշար սերմանների միջև առկա է ակոս սայրի համար: Ներկառուցված մեխանիզմ, որը արգելափակում է սայրը օգտագործված քարթիջը տեղադրելու դեպքում: Քարթիջը պարունակում է 70 սերման տիրաանային համաձայնվածքից, որոնք տեղակայված են երկու եռաշարով շախմատակ: Բաց սերմանի ոտիկի բարձրությունը 3,5 մմ, սերմանային կարի երկարությունը մտավորապես 45 մմ: Մեխանիկական կարի երկարությունը գերազանցում է կարվածքի երկարությունը առնվազն 1,5 սերման կախված հյուսվածքի հաստությունից: Մատակարարվում է լիցքավորված և ստերիլ: Աշխատանքային մակերեսի վրա առկա է պաշտպանիչ փառանակ, որը կանխում է սերմանների տեղաշարժը տեղափոխման կամ տեղադրման ժամանակ: Մեղմանների հումքը ՄՈՏ համատեղելի տիրաանային համաձայնվածք T13A12.5V /տիտան 94.5% այրումիներում 3% վանադիում 2.5%, որը ապահովում է պլաստիկության նվազում և կանխում է սերմանների հակադարձ բացումը: Ունի գունային մակնշում, մատակարարվում են ստերիլ, նախատեսված են միանվագ օգտագործման համար: N12 ստերիլ գործարանային փաթեթավորումով</p> | <p>ETHICON ENDO-SURGERY</p>  | <p>Johnson &amp; Johnson</p> |
| <p>30.</p> | <p>Փոփոխվող կատետներ «Էշելոն» 60 գործիքի համար 2,0մմ կամ 1,5մմ</p>   | <p>Քարթիջը վտարիներով սերմաններով միանվագ օգտագործման, որոնք նախատեսված են Էշելոն ֆիրմայի «Էշելոն» 60 գծային կարող կտրող գործիքի համար, նորմալ կամ հաստ հյուսվածքները կարելու համար, ձևավորում է սերմանային կար, որոնց բարձրությունը փակ վիճակում կազմում է 1,5 մմ (GST60B) և 2,0 մմ (GST60G): Քարթիջը մեջ առկա է ակոս երկու եռաշարների միջև, ներկառուցված, օգտագործված քարթիջի դեպքում, սայրը արգելափակող մեխանիզմ: Քարթիջը պարունակում է 88 հաստ տիրաանային համաձայնվածքից/90%տիտան 6% այրումի 4% վանադիում/ սերմաններ, դասավորված շախմատակ, երկու եռաշարով: Բաց սերմանի ոտիկի բարձրությունը 3,5 մմ և 4,1 մմ, փակ սերմանի բարձրությունը 1,5 մմ: Քարթիջը հնարավորություն է տալիս սերմանային կարի տեղադրում, որի երկարությունը կազմում է 60 մմ: Մեխանիկական կարը գերազանցում է կտրվածքի երկարությունը 1,5 սերմանով: Ցուրբանյուր եռաշար կարի դիստալ շարքը պարունակում էրկուսական սերման: Մատակարարվում են լիցքավորված, ստերիլ, շարժական կարմիր գույնի պաշտպանիչ փառանակով, որը տեղակայված է քարթիջի աշխատանքային մակերեսի վրա, N12 գործարանային փաթեթավորումով: Գունային մակնշում:</p>  | <p>ETHICON ENDO-SURGERY</p>  | <p>Johnson &amp; Johnson</p> |


**Ապրանքները պետք է ունենան**

1. Եվրամիության և/կամ ԱՄՆ-ում և/ կամ Ճապոնիայում ապրանքների գրանցման հավաստագիր (CE Mark կամ այլ): Բացառություն են կազմում ՀՀ-ում արտադրված ապրանքները:
2. Արտադրողի սրված՝ արտադրության անվտանգության և որակի վերահսկման միջազգային հավաստագիր (ISO, GMP կամ այլ):
3. Արտադրող կազմակերպության (կամ արտադրողի պաշտոնական ներկայացուցչի՝ կողմից տվյալ ապրանքի համար տրված համապատասխանության և (կամ) որակի հավաստագիր:
4. Պիտանելիության ժամկետ ունեցող ապրանքների դեպքում ապրանքատեսակները հանձնման պահին պետք է ունենան արեկված պիտանելիության ժամկետի 1/2-ը:
5. Մատակարարման վայր սահմանելի թ. Արմավյան, Արզումանյան, Արզումանյան կենտրոնական բժշկական բազա:

**\*թիվ 1,2,3 կետերով պահանջվող հավաստագրերի պատճենները ներկայացվում են ապրանքների մատակարարման ժամանակ**

ՀՀ պաշտպանության նախարարության հավաստագիր (ISO, GMP կամ այլ):

ՀՀ պաշտպանության նախարարության հավաստագիր (ISO, GMP կամ այլ):



Մ. ՄԱՐԿԱՆՅԱՆ

**ՎԱՅԱՍՏԱՆ**

«Ինտերնեյթ Գրուպ» ՍՊԸ  
տնօրեն

Ս. ՄԱՐԿԱՆՅԱՆ

*(Handwritten signature and stamp)*

ԳՆՄԱՆ ՃԱՄԱՆԱԿԱՑՈՒՅՑ

| Գնման առարկայի  |   |     |        |                        |                            |   |
|-----------------|---|-----|--------|------------------------|----------------------------|---|
| Հ/հ             | անվանումը   | չ/մ | քանակը | միավորի գինը (ՀՀ դրամ) | ընդամենը գումարը (ՀՀ դրամ) | մատակարարումը՝ 2021 թ. 4-րդ եռամսյակ, բայց ոչ ուշ քան 20.12.2021 թ. |
| 21.             | Փաթեթանյութ 150mm x70   | հատ | 4      | 64,500                 | 258,000                    | 4   |
| 24.             | Փոխարկային ծալարաթղթեր, դանակով, 6 շաբթ. 3D ֆորմատ                | հատ | 72     | 51,000                 | 3,672,000                  | 72  |
| 25.             | Փոխարկային ծալարաթղթեր, դանակով, 6 շաբթ. 3D ֆորմատ                | հատ | 72     | 51,000                 | 3,672,000                  | 72  |
| 28.             | Փոփոխական քարտիչներ սերվակներով (1.8 սմ) «Էշերն» 45 գործիքի համար | հատ | 62     | 103,770                | 6,433,740                  | 62  |
| 29.             | Փոփոխական քարտիչներ սերվակներով (1.5 սմ) «Էշերն» 45 գործիքի համար | հատ | 62     | 103,770                | 6,433,740                  | 62  |
| 30.             | Փոխարկային կատետներ «Էշերն» 60 գործիքի համար 2.0սմ կամ 1.5սմ      | հատ | 62     | 103,770                | 6,433,740                  | 62  |
| <b>Ընդամենը</b> |   |     |        |                        | <b>26,903,220</b>          |   |

Հավելված N 2  
N 9ՀԱՊՁԸ-21-9/43-5 պայմանագրի

ՎՃԱՐՄԱՆ ՃԱՄԱՆԱԿԱՑՈՒՅՑ\*

ՀՀ դրամ

| Գնման առարկայի  |  | CPV կոդը    | Կախատվում է ֆինանսավորողի ՀՀ պետական բյուջեի 2021 թ. հասկացումների հաշվին, 4-րդ եռամսյակ, բայց ոչ ուշ քան 24.12.2021 թ., ընդ որում՝ |
|-----------------|--|-------------|---|
| Հ/հ             | անվանումները   | CPV կոդը    |   |
| 21.             | Բժշկական այլ գործիքներ և պարագաներ/Փաթեթանյութ 150mm x70                                 | 33141211/67 | 258,000   |
| 24.             | Վերաբուժական գործիքներ/Փոխարկային ծալարաթղթեր, դանակով, 6 շաբթ. 3D ֆորմատ                | 33161120/40 | 3,672,000   |
| 25.             | Վերաբուժական գործիքներ/Փոխարկային ծալարաթղթեր, դանակով, 6 շաբթ. 3D ֆորմատ                | 33161120/41 | 3,672,000   |
| 28.             | Վերաբուժական գործիքներ/Փոփոխական քարտիչներ սերվակներով (1.8 սմ) «Էշերն» 45 գործիքի համար | 33161120/44 | 6,433,740   |
| 29.             | Վերաբուժական գործիքներ/Փոփոխական քարտիչներ սերվակներով (1.5 սմ) «Էշերն» 45 գործիքի համար | 33161120/45 | 6,433,740   |
| 30.             | Վերաբուժական գործիքներ/Փոխարկային կատետներ «Էշերն» 60 գործիքի համար 2.0սմ կամ 1.5սմ      | 33161120/46 | 6,433,740   |
| <b>Ընդամենը</b> |  |             | <b>26,903,220</b>   |

ՀՀ պաշտպանության նախարարություն  
ՀՀ պաշտպանության նախարարի տեղակալ

ՎԱՃԱՏՈՂ

«Ինտերմոլ Գրուպ» ՍՊԸ  
տնօրեն



Պայմանագրի կողմ

Պատվիրատու

\_\_\_\_\_

գտնվելու վայրը \_\_\_\_\_

հհ \_\_\_\_\_

հվհհ \_\_\_\_\_

\_\_\_\_\_

գտնվելու վայրը \_\_\_\_\_

հհ \_\_\_\_\_

հվհհ \_\_\_\_\_

ԱՐՁԱՆԱԳՐՈՒԹՅՈՒՆ N  
ՊԱՅՄԱՆԱԳՐԻ ԿԱՍ ԴՐԱ ՄԻ ՄԱՍԻ ԿԱՏԱՐՄԱՆ ԱՐՁԱՆԱԳՐԵՐԻ  
ՀԱՆՁՆՄԱՆ ԸՆԴՈՒՆՄԱՆ

«    » «    » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ «    » «    » 20 թ.

Պայմանագրի համարը՝ \_\_\_\_\_

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ «    » «    » 20 թ. դուրս գրված N \_\_\_\_ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատակարարել է հետևյալ ապրանքները՝

| N | անվանում<br>Ը | տեխնիկական<br>բնութագրի<br>համառոտ<br>չարադրանքը | Մատակարարված ապրանքների                              |         |  |         | Վճարման<br>ենթակա<br>գումարը<br>/հազար դրամ/ | Վճարման<br>ժամկետը<br>/ըստ<br>վճարման<br>ժամանակ<br>ացույցի/ |
|---|---------------|--|--|---------|--|---------|--|--|
|   |               |  | քանակական ցուցանիշը                                  |         | կատարման ժամկետը                                     |         |  |  |
|   |               |  | ըստ պայմանագրով<br>հաստատված գնման<br>ժամանակացույցի | փաստացի | ըստ պայմանագրով<br>հաստատված գնման<br>ժամանակացույցի | փաստացի |  |  |
|   |               |  |  |         |  |         |  |  |
|   |               |  |  |         |  |         |  |  |

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ապրանքը հանձնեց

Ապրանքը ընդունեց

\_\_\_\_\_

\_\_\_\_\_

ստորագրություն

ստորագրություն

\_\_\_\_\_

\_\_\_\_\_

ազգանուն, անուն

ազգանուն, անուն

Կ.Տ.

Կ.Տ.

ԱԿՏ N \_\_\_\_\_  
պայմանագրի արդյունքը Գնորդին հանձնելու փաստը ֆիքսելու վերաբերյալ

Սույնով արձանագրվում է, որ \_\_\_\_\_-ի (այսուհետ՝ Գնորդ) և \_\_\_\_\_  
(այսուհետ՝ Վաճառող) միջև 20 թ. \_\_\_\_\_-ին կնքված N \_\_\_\_\_  
պայմանագրի շրջանակներում Վաճառողը 20 թ. \_\_\_\_\_-ին հանձնման-ընդունման  
նպատակով Գնորդին հանձնեց ստորև նշված ապրանքները.

| Ապրանքի   |  |                |                     |
|-----------|--|----------------|---------------------|
| անվանումը |  | չափման միավորը | քանակը<br>(փաստացի) |
|           |  |                |                     |
|           |  |                |                     |

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

Ընդունեց

հայտը նախագծած ներկայացուցիչ՝

\_\_\_\_\_  
ազգանուն, անուն  
\_\_\_\_\_  
Ստորագրություն

\_\_\_\_\_  
ազգանուն, անուն  
\_\_\_\_\_  
ստորագրություն